



DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA

QUOD LIBETARIIS DISPUTATIONIBUS,

*manè discutienda in Scholis Medicorum, die Jovis vigesima-secundâ
mensis Februarii, anno Domini M. DCC. XLVIII.*

M. CAROLO-FRANCISCO BOUTIGNY DES PREAUX,
Doctore Medico, Præsidente.

*An simplicia pulmonum vulnera acie facta, solis Diatâ & vene
sectione sanentur?*

I.



ULMO præcipuum corporis nostri
organum velut machinæ libramen-
tum spectetur. Vitiato ipsius motu,
vitiatur & cordis motus, vitiatur
sanguinis circulatio, vitiantur fun-
ctiones omnes. Ipsi inflictum vulnus sin lethale,

A

2

saltem periculosissimum. Impossibilis externa curatio. Elegantioribus digitis non datur aditus. Irrita sunt cujuscunque generis topica. Inutilis ipforum-met Chirurgorum Parisiensium per totam Europam jure & meritò celebrata dexteritas, non manu, non oculo, sed consilio opus est.

I I.

QUÆ instrumentis secantibus infiguntur vulnera, periculi minus portendunt, ac quæ causam habent catapultam, sclopetumve quodlibet. Ubi nulla adest partium dilaceratio, ubi nulla substantiæ deperditio, exulat jam suppuratio. Id unum intendat Medicus, ut citam coagmentationem obtineat, solumque adunet. Licet structa sit divinitus pulmonum substantia; licet aptissimi sint pulmones subeundo mûneri ipsi ab Autore Deo imposto; iisdem tamen quoad essentiam, partibus constant, ac molles aliæ corporis partes; membranis videlicet quæ venas & arterias utriusque generis, demùmque nervos obvolvunt. Ergone, si secti sint, peculiarem sibi curationem expostulant?

I I I.

PARTIUM coagmentatio opus naturæ & arcanum. Munere suo fungi nusquam recusat benigna illa mater. Qui ipsam à proposito deterreant, si qui sint, removendi tantùm obices. Hos inter præcipui eminent *Plethora*, inflammatio, *dispnea*, tussis importuna, febris, spirituum

3

animalium motus irâ vel timore perturbatus, succorum crassities & acrimonia. Quæras ergò quibus auxiliis solidorum quieti possis consulere; humorum effervescentiam compescere, spirituum animalium motus sedare, fluida emendare. In promptu sunt venæ sectio & diætâ.

I V.

VENÆ sectione deplentur vasa, parciorem sanguinis copiam propellunt cor & arteriæ, minorem experiuntur renixum, minor itaque parietum distensio, evanescit, si quis adest *Erethismus*, relaxantur fibræ, ad sese invicem accedunt, ipsarum quâcumque acie sectæ junguntur extremitates, & naturâ duce conglutinantur. *Diætâ* nomine, non omnium intelligas alimentorum abstinentiam, quin imò; sed ea feligas quæ simul medicamenta sunt & alimenta. Sint diluentia levia, lenientia; his tùm solidorum, tùm fluidorum compescitur motus, spiritus animales sedantur, edulcorantur sanguis & lympa, denique obtinetur gluten ad partium coagmentationem necessarium.

V.

MITTAS ergò thecam aperire; abstinere à specillo, nunc quid prodest? Perniciosum est curiositatis instrumentum. In thoracem si fluxerit sanguis, præscribatur *Empyema*, vel dilatetur externum vulnus; alioquin illud penicillo obsera, ne penetret aër. Habitâ virium & symptomatum ratione iterùm & sæpiùs celebrentur venæ

sectiones, eas si comitetur diata punctum Archimedis attigisti, nec te pudeat. Conquerantur ignara plebs mulierculæ exhaustas ægrotantis vires, fumumque largâ manu cruorem; sine ipsas vociferari, age: quisque suam exercere debet artem.

*Ergo simplicia pulmonum vulnera acie facta,
solis Diatâ & venæ sectione sanantur.*

DOMINI DOCTORES DISPUTATURI.

*M. Dionysius Pautier
de Labreuille,*

*M. Joannes - Francis-
cus Paris.*

*M. Claudius de la Vi-
gne de Frecheville,
Medicus Regis, Do-
mus Regina, nec non
Serenissima Delphi-
næ ordinarius.*

*M. Jacobus Lauren-
tius Mauroy.*

*M. Dionysius Clau-
dius Doucet,*

*M. Joannes Damia-
nus Chevalier, Re-
gis Consiliarius Me-
dicus ordinarius in
insulâ Sancti Domi-
nici.*

*M. Natalis-Andreas
Joannes - Baptista
Chesneau.*

*M. Bartholomæus Tus-
sanus le Clerc, Me-
dicus Regis ordina-
rius.*

*M. Emmannel Mauri-
cius du Verney*

Proponerat Parisiis PETRUS-AUGUSTUS ADET, Parisiensis;
Saluberrimæ Facultatis Medicinæ Parisiensis Baccalaureus,
A. R. S. H. 1748, à sextâ ad meridiem.

Typis QUILLAU, Universitatis & Facultatis Medicinæ Typo-
graphi, 1748.